

ՏԵՂԵԿԱՆՔ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ և ՉԻՆԱՍՏԱՆԻ
ԺՈՂՈՎՐԴԱԿԱՆ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ ՄԻՋԵՎ 2005Թ.

ՀԱՄԱՁԱՅՆԱԳՐՈՒՄ ՓՈՓՈԽՈՒԹՅՈՒՆՆԵՐ ԿԱՏԱՐԵԼՈՒ ՄԱՍԻՆ
ՀԱՅՏԱԳՐԵՐԻ ՓՈԽԱՆԱԿՄԱՄԲ ԿՆՔՎՈՂ ՀԱՄԱՁԱՅՆԱԳԻՐԸ ՍՏՈՐԱԳՐԵԼՈՒ
ՆՊԱՏԱԿԱՀԱՐՄԱՐՈՒԹՅԱՆ ՄԱՍԻՆ

1992թ.-ին դիվանագիտական հարաբերությունների հաստատումից ի վեր Հայաստանի և Չինաստանի միջև հարաբերությունները և համագործակցությունը հաստատուն կերպով զարգացել է՝ ներառելով նոր ոլորտներ: Ներկա պահին երկու երկրների միջև էականորեն ակտիվացել են քաղաքական երկխոսությունը և միջխորհրդարանական և միջկուսակցական կապերը, համագործակցությունը մշակութային, գիտակրթական և առևտրատնտեսական ոլորտներում:

Չինաստանը հանդիսանում է Հայաստանի կարևորագույն գործընկերներից մեկը և երկրորդ խոշոր առևտրային գործընկերը Ռուսաստանից հետո: 2016թ. արդյունքներով ապրանքաշրջանառությունը ՀՀ և ՉժՀ միջև կազմել է մոտ 408 մլն. ԱՄՆ դոլար¹: ՀՀ-ում գրանցված են չինական կապիտալի մասնակցությամբ 23 ձեռնարկություն:

2010-2012թթ. ՉժՀ կառավարության անհատույց օգնության տեխնիկատնտեսական ծրագրերի շրջանակներում ՉժՀ-ից ՀՀ են ներկրվել 88 շտապ օգնության մեքենաներ և 249 քաղաքային ավտոբուսներ: 2017թ. հունվարին ՉժՀ կառավարությունը հավանություն է տվել Հայաստանին ևս 200 շտապ օգնության մեքենա և ռեանիմոբիլ նվիրաբերելու ծրագրին: Ընթացքի մեջ են գտնվում անհատույց տեխնիկատնտեսական օգնության ծրագրի շրջանակներում Հայաստանի հանրային հեռուստատեսության արդիականացման և Երևանում չինարենի խորացված ուսուցմամբ դպրոցի ստեղծման ծրագրերը:

Ընթացքի մեջ են Հայաստանում հայ-չինական համատեղ պղնձաձուլական գործարանի հիմնադրման շուրջ բանակցությունները: Չինական կողմի հետ բանակցվում են տնտեսական կարևորություն ներկայացնող մի շարք գյուղատնտեսական, առևտրային և արդյունաբերական ոլորտի նախագծեր:

Հաշվի առնելով Չինաստանի հետ համագործակցության զարգացման և խորացման կարևորությունը՝ ՀՀ ԱԳՆ նպատակահարմար է գտնում «Հայաստանի Հանրապետության կառավարության և Չինաստանի Ժողովրդական

¹ Համաձայն ՀՀ ազգային վիճակագրական ծառայության տվյալների

Հանրապետության կառավարության միջև 2005թ. Համաձայնագրում
փոփոխություններ կատարելու մասին հայտագրերի փոխանակմամբ կնքվող»
համաձայնագրի ստորագրումը :

ԱԳ Նախարարի տեղակալ

Արմեն Պապիկյան

A handwritten signature in black ink, appearing to be 'A. Papikyan', is written over a horizontal line. The signature is stylized and cursive.